

Sier Nicolò Donado, fo vice soracomito di sier Thomado	15.	7
Sier Antonio Barbaro, qu. sier Vincenzo, da Santa Croxe	14.	10
Sier Andrea Minotto fo patron di nave, qu. sier Zuan Francesco	17.	7
† Sier Bortolomio Zorzi, qu. sier Beneto, qu. sier Hironimo el cavalier	20.	4
Sier Alvise Minio fo pagador a l'armamento, qu. sier Lorenzo qu. sier Almorò	10.	13
Sier Zuan Piero Querini fo nobile sopra la barza armada, de sier Marco	19.	5
Sier Andrea Morexini, fo podestà a Ruingno, di sier Bartholomio	8.	15
Sier Gasparo Moro fo vice patron di nave di sier Lorenzo, qu. sier Cristophalo	19.	4
Sier Francesco Surian fo soracomito, qu. sier Andrea	17.	7

Noto. In questa matina se intese per la terra che eri morite la moier di sier Alvise Bembo da San Polo, fo fia di sier Zuan Loredan, rica de dimisoria di ducati . . . milia, la qual stava a San Salvador sopra Canal Grando et havia tre fioli et una fia da mario, la qual è giorni 8 fece il suo testamento et lassò herede di tutto il suo sier Gasparo Bembo el dottor suo fiol secondogenito, et privò li altri, cossa che ha dà che dir molto a tutti.

Dapoi disnar fo Conseio di X, comandà la Zonta per tratar cose di formenti, et *etiam* di quanto ha ditto domino Francesco da cà da Pexaro patriarca di Constantinopoli, la qual Zonta non si redusse per esser molti amaladi et nulla feno.

Et fo fato la balotation di castelan a Crema in luogo di sier Giacomo Antonio Trivixan che morite, et ha di salario ducati 15 al mexe. Stà seradi, et si ballota popolari, molti cittadini boni si messeno alla pruova, rimase Alvixe Morexini fo di Fazio 17, sotto Michiel di Franceschi 9.

Fono balotadi Domenego di Garzoni qu. Andrea dal Banco, Nicolò Pasqualin Saratom Padavin, Zuan Battista Zanoti et altri numero 18.

Di Spalato fo lettere di sier Lunardo Polani conte, di 17, di l'intrar nel dominio tutto di Clissa il Quirini a nome dil Gritti.

Da Zara di sier Gregorio Pizamano proveditor zeneral di Dalmatia, di 22, particular ma non in la Signoria.

In questo zorno a hore 14 seguite un caxo che

I Diarii di M. SANUTO. — Tom. LVI.

sier Hironimo Justinian di sier Antonio qual è statofator in Alexandria e stà in caxa per debiti, havendo lite per li conti dil viazo con sier Marco da Molin procurator suo barba fradello di sua madre, et posti in zudexe sier Antonio da cha' da Pexaro, qu. sier Alvise, questo con la capa et spada sotto, perchè cussi va al presente da forestier vestido, vene in procuratia in caxa di ditto suo barba con parole stranie et cazò man a la spada per amzarlo. Lui se butò su la spada, et la moier e altri di caxa, sichè non seguite l'homicidio che l'havia in animo di far. El qual sier Marco poi disnar vene dal Serenissimo a dolersi dicendo è cosa di Cai di X, et dete la quarella e fo examinato, et poi nel Conseio simplice fo leta et rimeso il caso a li avogadori per non esser materia aspetante al Conseio di X.

A dì 27. La matina, non fo lettera da conto 176* che tutti se meravegiava. Et vene li Cai di X in Collegio, et fo parlato zerca formenti perchè i cresce et il fontego si svoda, alcuni vol far compreda ma per le armate niun si vol venir oferir di vender, altri mandar a cargar in Sicilia sotto man, altri far venir de terra ferma in questa terra stara 100 milia oltra quelli de abitanti de qui; et è sora le biave sier Lorenzo Pasqualigo procurator e sier Francesco Foscarei. È zonto formenti de Sicilia *adeo* è calato a lire 6 soldi 10 el staro de gran grosso.

Noto. Eri in Quarantia Zivil fo fato bona una sententia fata per sier

Da poi disnar fo Conseio di X con Zonta. Feno Cai per luio sier Ferigo Renier nuovo, sier Mathio Vituri et sier Andrea Vendramin, questi do stali altre fiata.

Fo tratato la materia dil patriarca de Constantinopoli Pexaro, venuto in questa terra, zerca far acordo col Pontefice et dar li possessi, et Soa Santità ne conciedi *de coetero* la nomination de episcopati come ha tutti li Signori dil mondo; et fu preso che sier Francesco Donado el cavalier, savio dil Conseio, pratici con ditto Patriarca de questo, et quello l'haverà vegni poi a referir a questo Conseio.

Fu posto, per sier Hironimo Querini et sier Alvise Bon cai di X, taiar certa parte fu fata de sanseri di le biade *ut in parte*. Contradise sier Marco Minio el consier, fo molto longo, perchè lui hesendo a le biave zoè sora le biave fè meter quella parte et fè meter uno suo Thomà de Antelusi. Li rispose sier Luca Trun procurator, savio dil Con-